

三元滅罪水懺

淨壇讚

琳瑯振響

十方肅清

河海靜默

山嶽含煙

萬靈鎮伏

招集羣仙

天無氛穢

地無妖塵

冥慧洞清

大量玄玄

五龍蕩穢天尊三稱

淨天地神咒

天地自然

穢氣分散

洞中玄虛

晃朗太玄 八方威神 使我自然  
靈寶符命 普告九天 乾懼怛那  
洞罡太玄 斬妖縛邪 度鬼萬千  
中山神咒 元始玉文 持誦一遍  
却病延年 按行五嶽 八海知聞  
魔王束首 眞聖衛軒 凶穢消散  
道氣長存 急急如律令

常清常靜天尊三稱

三元讚

雲台山上 放大豪光 都會三元  
遍十方 玄中大法王 利益無疆  
懇禱祝遐昌 利益無疆 懇禱祝  
遐昌  
上元賜福天尊  
中元赦罪天尊  
下元解厄天尊  
酌水獻花滿瑤壇 供養玄靈水三官  
五色祥雲臨凡世 九炁清風降人間

卷卷句句消災障  
字字行行滅罪愆  
惟願南宸增福壽  
叩祈北斗賜長年

主白

一炷清香本自然  
黃庭爐內起祥烟

二白

空中結篆香雲蓋  
上聖高真護法筵

三白

注想金容稱揚聖號

三元滅罪水懺

恭以

道德無爲清靜香  
妙洞自然靈寶慧

金爐烟起氣氤氳  
玉華散處雲繚繞

上通三界至三天  
下徹九泉並九地

十方三界悉聞知  
無量無邊同供養

以今焚香虔誠上啓

無上至真三天三寶上帝

昊天玉皇上帝

勾陳天皇大帝

紫微北極大帝  
十方自然靈寶天尊  
五靈五老帝君  
三十二天帝君  
五福十神太乙真君  
三垣帝座星君  
日月九曜星君  
南辰北斗星君  
三台華蓋星君

二十八宿秀星君

十二宮辰星君

六十甲子星君

周天列宿河漢星君

當生本命元辰星君

命宮照臨真宰

上元一品賜福天官曜靈元陽大帝

中元二品赦罪地官洞靈清虛大帝

下元三品解厄水官金靈洞陰大帝



三元三百六十應感天尊  
傳經傳教師尊  
太玄女青真人  
九天天曹諸司列職聖衆  
三元飛天遊奕飛仙聖衆  
中元五嶽名山洞天福地靖廬治化仙  
官聖衆  
下元水府河海淵泉聖衆  
三元飛仙神王

十直真人天帝真仙聖衆

三元三宮九府左右都司百二十司仙

官

三元孝校司命司祿主執仙官

三元注生注死注壽注祿靈官

三元掌齋願功德仙官左右仙班聖衆

三元考校善惡功曹使者

值年太歲至德尊神

城隍主宰里域正神

侍奉香火高真  
司命土地六神  
虛空過往一切真靈

悉仗真香。普同供養。弟子衆等

謹奏爲（宣意文）

恭望

天尊垂惠。至聖臨軒。鑒虔虔懇懇  
之誠。錫簡簡穰穰之福。消災滅罪  
。保命延生。今則蘭場式備。寶炷

凝煙。對越。  
高真。宣揚懺法。稽首皈依。  
無極大道。

三元滅罪水懺上卷

爾時

元始天尊。在大羅天上。玉京金闕。  
紫薇天臺。大會羣仙。敷揚妙法。  
救度天人。咸使悟道。不歷諸苦。

。施大威力。放大光明。普照萬國。  
。一切罪福。俱在目前。甚深微妙。  
。方便開度。一切地獄窮魂。苦毒  
無量。痛楚難言。並蒙救拔。不溺  
沉淪。咸得超度。是時  
元始慈尊。慈悲廣演。更開要道。  
使過去未來。俱沾利益。再告左右  
侍真曰。人之稟生。同資一氣。及  
乎誕育。命系三元。天壽吉凶。富

貴貧賤。因緣罪福。善惡生死。各  
遂夙命根源。悉有報應。隨其業力  
。永不差殊。如影隨形。似聲應谷  
。每年三元之日。三元宮屬。與三  
界十方。四司五帝。善惡童子。一  
切靈官。上朝  
金闕。元始御前。考校男女。生死之籍。  
罪福因緣。及九幽地獄。水府窮魂。

。姓名業簿。此時若有善信男女。  
能發自然道念。建造紫薇寶臺。玉  
京寶山。樓閣臺榭。百寶莊嚴。香  
花供養。燒香行道。吟詠洞章。燃  
燈放生。步虛法事。布施發願。謝  
過上章。大建齋醮。虔告天地。晝  
夜不怠者。吾當遣十方天尊真人。  
諸天神仙。三界四司。救苦靈童。  
下降人間。齊到道場。爲其滅罪。

保佑生人。使國土安寧。男女歡泰。  
。衆善齊降。諸惡不生。地獄苦魂。  
。一時解脫。竟生天上。快樂無爲。  
。功德巍巍。獲福無量。  
慈尊言。正月十五日。  
上元天官。主錄百司。上詣  
天闕。進呈世人罪福之籍。今日道  
場。奏爲某事。是故回向  
上元天界。一切



高真。皈依皈身皈神皈命  
大慈大悲。無上天尊。

志心朝禮

玉清元始天尊  
上清靈寶天尊  
太清道德天尊  
太乙救苦天尊  
九幽拔罪天尊  
十方靈寶天尊  
朱陵度命天尊  
法橋大度天尊  
火煉丹界天尊  
金闕化身天尊  
逍遙快樂天尊  
寶華圓滿天尊

從此以上。禮念  
天尊聖號。乞懺某某。自從無始以  
來。至於今日。師資父母。六親眷  
屬。三業所爲。六根所造。是故身  
貪細滑。意起虛妄。眼觀惡色。耳  
聽邪音。鼻好惡香。舌貪滋味。心  
生痴妒<sup>到</sup>。口出穢言。如是等罪。無  
量無邊。今日虔誠。咸乞懺悔。次  
復回向。

上元天界。一切  
高真。皈依皈身。皈神皈命。  
大慈大悲。無上天尊。

志心朝禮

嚴淨法力天尊 應變威德天尊  
無畏梵形天尊 大智惠海天尊  
無量法藏天尊 大悲萬善天尊  
無邊明覺天尊 玄微自在天尊  
慈和妙寶天尊 端嚴威力天尊

光明上照天尊  
開顯妙門天尊  
從此以上。禮念

天尊聖號。乞懺某自從無始以來。  
至於今日。師資父母。六親眷屬。  
無量無邊。殺生之罪。或殺豬羊牛  
馬。雞犬鵝鴨。或殺飛禽走獸。水  
族魚鱗。蠢動含靈。一切物命。或  
扶持疾病。淫祀鬼神。殺害衆生。  
或遊獵好戲。耕田掘地。養蠶煮繭

。放水放火。燒糞掃地。殺害衆生。  
。或飲酒食肉。或作醬酢<sup>昨</sup>。焚樵  
露燈。熱湯潑地。殺害衆生。或生  
分子母。斷其胎育。或殺胎卵。或  
殺衆生。命無頭數。或殺債主冤家  
。四方良善。或因爭競。欺妒攘取  
。劫奪殺害。或因征戰讒<sup>漸</sup>佞。方  
便殺害。或用邪教。埋名釘字。咒  
詛<sup>左</sup>殺害。或爲官法。枉殺人命。

或圖他財寶。證人入死。或奪人妻  
子。爭人夫婿。遂成殺害。或對天  
地。日月虛空。廟社之所殺害。或  
上引祖先。以爲盟誓殺害。或男婚  
女嫁。吉凶聚會。生男誕女。接奉  
親朋。非時作樂。耽色好淫。眠花  
臥柳。殺害無數。遂使怨氣遍滿虛  
空。如是殺害等罪。無量無邊。今  
日虔誠。咸乞懺悔。次復回向。

上元天界。一切  
高真。皈依皈身。皈神皈命。  
大慈大悲。無上天尊。

志心朝禮

弘通保命天尊  
護魂慈救天尊  
因緣濟度天尊  
流光法喜天尊  
玉真慈愛天尊  
威聖化凡天尊  
常安定慧天尊  
洞靈慈念天尊  
信慧匠成天尊  
增益聖智天尊

功德嚴淨天尊  
寶光慈救天尊

從此以上禮念

天尊聖號。乞懺某自從無始以來。  
至於今日。七祖九玄。師資父母。  
存亡二世。一切眷屬。無量偷盜之  
罪。或偷盜天尊形像。三寶種種財  
物。或偷盜親姻。種種財物。或偷  
盜富貴貧賤。種種財物。或偷盜國  
家庫藏。輸貢科斂。官錢財物。或



偷盜妻妾男女。良賤財物。如是偷盜等罪。無量無邊。今日虔誠。咸乞懺悔。次復回向上元天界。一切高真。皈依皈身。皈神皈命。大慈大悲。無上天尊。

志心朝禮

混成長樂天尊  
普明淨愛天尊  
乘光善寂天尊  
相光自在天尊

金真度命天尊  
金定玄通天尊

垂慈普濟天尊  
洞暢高玄天尊

長生萬善天尊  
至靈淨妙天尊

真遊高上天尊  
法流遠洽天尊

從此以上。禮念

天尊聖號。乞懺某自從無始以來。

至於今日存亡二世。一切眷屬。無

量淫慾之罪。或不避虛空。日月星

辰之下。行諸淫慾。或不避井灶門

戶。社廟宮觀。聖跡之所。行諸淫  
慾。或六親通同。行諸淫慾。或淫  
犯骨肉。或染污出家。欺凌貞潔。  
捉人殘害。奪人恩愛。行諸淫慾。  
或不顧老亡。穢亂羈迷。愚痴不返  
。如是邪淫愛慾等罪。無量無邊。  
今日虔誠。咸乞懺悔。次復回向。  
上元天界。一切  
高真。皈依皈身。皈神皈命。

大慈大悲無。上天尊。

志心朝禮

高德寶藏天尊  
凝常轉念天尊

玄德定願天尊  
總真應現天尊

龍德威嚴天尊  
妙行圓滿天尊

高玄太素天尊  
妙色金花天尊

靈真大帝天尊  
金資妙相天尊

開明旨要天尊  
無上最勝天尊

從此以上。禮念

天尊聖號。乞懺某自從無始以來。至於今日。七祖九玄。師資父母。存亡二世。一切眷屬。唐突上真之罪。或不敬上天。日月星辰之下。或不畏風雨。雲霞雷電。或瞻對北斗。不避諸天。赤身裸體。大小便利。披頭飲食。涕吐穢言。戲笑哭泣。種種乖非。如是觸犯等罪。無量無邊。今日虔誠。咸乞懺悔。次

復回向。  
上元天界。一切  
高真。皈依皈身。皈神皈命。  
大慈大悲。無上天尊。

志心朝禮

長存駕景天尊  
元靈妙本天尊  
運度四生天尊  
元流妙化天尊  
應世法王天尊  
仙游淨妙天尊  
無極玄妙天尊  
聖智飛玄天尊

受煉更生天尊  
時刻升遷天尊  
超登寶海天尊  
上元證果天尊

從此以上。禮念

天尊聖號。乞懺某身中。所爲種種  
業障。伏乞無極大道。太上三尊。  
五老高真。十華上聖。日月星宿。  
璇璣玉衡。八十一天。三十二帝。  
三官五帝。九府四司。三界魔王。  
飛天大聖。未來仙宰。已往真官。

大慈大悲。普濟普度。恩波滌罪。  
惠澤除冤。五道停酸。三元集福。  
功德滿就。與道合真。一切有情。  
齊登道岸。某等稽首皈依。  
無上虛皇正真三寶



三元減罪水懺上卷終

三元減罪水懺中卷

爾時

慈尊言。七月十五日。

中元地官。主錄百司。上詣

天闕。進呈世人。罪福之籍。今日  
道場懺主。某等是故回向。

中元地界。一切

真聖。皈依皈身。皈神皈命。

大慈大悲。無上天尊。

志心朝禮

清微天寶天尊  
禹餘靈寶天尊

大赤神寶天尊  
鬱單無量天尊

上上禪善天尊  
梵監須延天尊

寂然兜率天尊  
波羅尼密天尊  
洞元化應天尊  
靈化梵輔天尊  
高虛清明天尊  
無想無愛天尊  
從此以上。禮念  
天尊聖號。乞懺某自從無始以來。  
至於今日。師資父母。存亡眷屬。  
無量慳貪愛吝之罪。或見人教化。  
作善建功。或見貧窮疾病。不能減  
割。方便扶持。種種不能布施。慳

貪等罪。無量無邊。今日虔誠。咸  
乞懺悔。次復回向。  
中元地界。一切  
真聖。皈依皈身。皈神皈命。  
大慈大悲。無上天尊。

志心朝禮

高聖玄通天尊  
玄元誕妙天尊  
空慧凝常天尊  
方便善救天尊  
通真應變天尊  
衆善慈施天尊

香光忍辱天尊  
總朝上帝天尊  
凝神玄覺天尊  
輪轉運度天尊  
大慈無我天尊  
靈通品量天尊  
從此以上。禮念  
天尊聖號。乞懺某自從無始以來。  
至於今日。師資父母。六親存亡。  
無量無邊。嗔怒之罪。或嗔怒天尊  
經法。法師道士。或嗔怒帝王官宰  
。父母骨肉。或嗔怒道場法席。作

諸功德。或嗔怒陰陽。風雨寒暑。  
或嗔怒虛空日月。星宿秀尊聖。或  
嗔怒正直鬼神。過往聖賢。或嗔怒  
春夏秋冬。晝夜長短。或嗔怒士農  
工商。鰥寡孤獨。囚徒禁役。貧苦  
老病。或嗔怒門朋志友。妻子奴婢  
。或嗔怒牛馬六畜。飛禽走獸。一  
切物命。如是嗔怒等罪。無量無邊  
。今日虔誠。咸乞懺悔。次復回向

中元地界。一切  
眞聖。皈依皈身。皈神皈命。  
大慈大悲。無上天尊。

至心朝禮

運化微明天尊  
大慧衆善天尊  
海量無涯天尊  
光妙高玄天尊  
常住虛極天尊  
玄微德本天尊  
輝虛度命天尊  
會音開宗天尊

貪善樂法天尊  
妙空真相天尊  
含宏品量天尊  
智藏微達天尊

從此以上。禮念

天尊聖號。乞懺某自從無始以來。  
至於今日。六親眷屬。存亡二世。  
有無量無邊。不信善惡因緣。愚痴  
執見。或於三寶之前。常行愚痴。  
或於帝王官宰之前。常行愚痴。或  
或於父母骨肉之前。常行愚痴。或



於人物所處之前。常行愚痴。如是  
愚痴等罪。無量無邊。今日虔誠。  
咸乞懺悔。次復回向。  
中元地界。一切  
真聖。皈依皈身。皈神皈命。  
大慈大悲。無上天尊。

至心朝禮

慧解空寂天尊  
普照幽玄天尊  
法本虛凝天尊  
天寶救苦天尊

無量自在天尊  
智成大滿天尊  
平地應善天尊  
開光濟度天尊  
清微澄悟天尊  
大明空解天尊  
高妙慧天尊  
開緣普救天尊  
從此以上。禮念  
天尊聖號。乞懺某自從無始以來。  
至於今日。師資父母。六親骨肉。  
無量無邊。綺言妄語之罪。或背前  
面後。口是心非。或向此說彼。或

向彼說此。離人骨肉。或破人良友。  
。或不思已過。不察情由。論人是  
非。說人長短。不識仁義。掩善揚  
惡。訕謗君王父母。評薄師資尊長。  
。破壞忠良。埋沒勝己。讚詠邪言。  
。誹謗正教。如是綺言妄語。兩舌  
等罪。無量無邊。今日虔誠。咸乞  
懺悔。次復回向。  
中元地界。一切

眞聖。皈依皈身。皈神皈命。  
大慈大悲。無上天尊。

志心朝禮

無量妙身天尊  
光明萬變天尊  
紫虛玄聖天尊  
飛空智聖天尊  
玉宸曜景天尊  
梵寶太虛天尊  
元靈等觀天尊  
海空辨惠天尊  
尊勝妙果天尊  
仙靈正行天尊  
慈施興善天尊  
威力難思天尊

從此以上。禮念

天尊聖號。乞懺某自從無始以來。至於今日。師資父母。六親眷屬。無量無邊。罵詈<sup>利</sup>之罪。或罵詈<sup>利</sup>天尊大道之罪。或罵詈<sup>利</sup>經法法師之罪。或罵詈<sup>利</sup>國王官宰之罪。或罵詈<sup>利</sup>知識朋友之罪。或罵詈<sup>利</sup>妻妾男女。六親眷屬之罪。或罵詈<sup>利</sup>根相不全。六疾百病之罪。或罵詈<sup>利</sup>貧

窮老少。鰥寡孤獨。奴婢下賤之罪。  
。或罵詈<sup>利</sup>天地。日月星辰。風雨  
雲霞。紅霓雷電之罪。或罵詈<sup>利</sup>晝  
夜長短。冬寒夏熱。四時八節。霜  
雪氣候之罪。或罵詈<sup>利</sup>正直鬼神。  
蟲蝗水旱之罪。或罵詈<sup>利</sup>五穀百果  
。絲麻布絹之罪。或罵詈<sup>利</sup>牛馬六  
畜。飛禽走獸。蠢動之類。或囚禁  
罪人。愚痴良善。如是言詞粗獷。

呼天叫地。牽引鬼神。毀罵等罪。  
無量無邊。今日虔誠。  
咸乞懺悔。次復回向。  
中元地界。一切  
眞聖。皈依皈身。皈神皈命。  
大慈大悲。無上天尊。

志心朝禮

常住慧能天尊  
眞遊本行天尊  
香林定想天尊  
無爲普濟天尊

保命上生天尊。落滅惡根天尊。  
智德無礙天尊。平等善救天尊。  
演聖開元天尊。延福保神天尊。  
興行妙道天尊。金容感應天尊。  
從此以上。禮念  
天尊聖號。乞懺某身中。種種罪業。  
。伏乞九清三洞。慈尊五老。十華  
大道。皇皇上帝。列列高真。五帝  
三官。十宮真宰。三元大帝。五嶽



尊神。福地洞天。豐都岱嶽。四司  
曹吏。九府列職。物外羣仙。壺中  
衆聖。洪恩普洽。惠涵法流。解釋  
塵愆。消除世厄。哀憐庶品。開度  
幽冥。世世生生。咸躋大道。某等  
稽首皈依。無上虛皇。正真三寶。

三元減罪水懺中卷終

三元減罪水懺下卷

爾時

慈尊言。十月十五日。

下元水官。主錄百司。上詣

天闕。進呈世人罪福之籍。今日

道場懺主。某等是故回向。  
下元水界。一切  
仙哲。皈依皈身。皈神皈命。  
大慈大悲。無上天尊。

志心朝禮

元陽慈父天尊  
靈寶王母天尊  
青靈始老天尊  
丹靈真老天尊  
皓靈素老天尊  
五靈玄老天尊  
黃靈皇老天尊  
青帝護魂天尊

白帝侍魄天尊  
赤帝養炁天尊

黑帝通血天尊  
黃帝中主天尊

從此以上。禮念

天尊聖號。乞懺某自從無始以來。

至於今日。師資父母。六親眷屬。

無量無邊。障礙人間。種種之罪。

又復行商坐賈<sub>古</sub>。買賣博貨。邸<sub>底</sub>舍

交易。升斗秤尺。分毫銖兩之上。

有諸爭損。瞞昧於人。或將粗易好

。以短換長。。虧算人物。。穿破牆壁。  
。劫掠竊盜。。或塞斷道路。。抵諱債  
負。。或放財本與人。。過分取利。。或  
假託非術。。脫人財物。。或妒到人聰  
明富貴。。恃官挾勢。。告人長短。。或  
暗施弓箭。。不合神明。。或飲酒食肉  
。五辛三厭。。穢慢功德。。或爲官爲  
吏。。治事不公。。或居上不恭。。爲下  
不敬。。朝廷無爵。。鄉黨無齒。。如是

等罪。無量無邊。今日虔誠。咸乞  
懺悔。次復回向。  
下元水界。一切  
仙哲。皈依皈身。皈神皈命。  
大慈大悲。無上天尊。

志心朝禮

真皇闔震天尊  
積功成聖天尊  
凝神照境天尊  
和神利物天尊  
總監衆神天尊  
幽照無極天尊

妙解羅網天尊 朱景洞照天尊  
萬行圓滿天尊 大乘空慧天尊  
還功報德天尊 隱跡全道天尊  
從此以上。禮念  
天尊聖號。乞懺某自從無始以來。  
至於今日。師資父母。存亡二世。  
道俗兩門。一切眷屬。或浮好三寶  
。執心不專。或背負師資。違盟負  
約。不忠國主。不順時機。不崇大

道。輕欺教法。或穢污江河。撈攬  
百川。取諸魚鱗。將充口味。或不  
生慚愧。輕賤衣食。拋撒五穀。咒  
詛<sup>左</sup>牛馬。損害蠶蛾。不惜農桑。  
或見利忘義。不廉不恥。喜新棄舊  
。知恩不報。如是等罪。無量無邊  
。今日虔誠。咸乞懺悔。次復回向  
。下元水界。一切



仙哲。皈依皈身。皈神皈命。  
大慈大悲。無上天尊。

志心朝禮

法體緣成天尊  
紫霞浮蓋天尊

法雲流潤天尊  
蕨<sup>展</sup>揚妙化天尊

玄智遠照天尊  
行圓虛界天尊

尊妙無雙天尊  
玉京垂惠天尊

寶度應權天尊  
太微光梵天尊

真相具足天尊  
尊勝無爲天尊

從此以上。禮念

天尊聖號。乞懺某自從無始以來。  
至於今日。存亡二世。道俗兩門。  
不思父母劬勞養育。不報十月懷胎。  
。三年乳哺。推乾就濕。嚙苦吐甘。  
。洗浣提撕。憂愛重恩。返生忤逆。  
。不孝重罪。或爲男爲女。爲氣爲  
財。殫酒迷花。爲冤結咒。連累父  
母。惡氣無邊。或造宅創墳。犯多

禁忌。罪盈惡貫。是致流殃。或報  
在塚訟懲呼。先亡勾連。或報在命  
運衰厄。惡星行度。現世則爲種種  
冤報。地獄則爲種種果報。皆因前世  
慈尊言。如此生身果報。及至來生。  
犯於罪業。死經地獄。無有休息。今  
日虔受報六道輪迴。次復回向。誠。  
咸乞懺悔。一切下元水界。

仙哲。皈依皈身。皈神皈命。  
大慈大悲。無上天尊。

志心朝禮

法緣常終天尊  
永證道源天尊  
常傳真戒天尊  
冲和淨樂天尊  
玄隱無爲天尊  
幽源不測天尊  
默念無爲天尊  
留教廣度天尊  
救度八難天尊  
飛昇金闕天尊  
遊宴玉京天尊  
遊行太空天尊

從此以上。禮念

天尊聖號。乞懺某自從無始以來。

至於今日。種種罪業。

爾時

慈尊復言。吾見下土兆民。多有凶

禍。邪鬼所害。可爲先亡祖考。父

母尊親。五臘之日。是天地開赦。

宜建齋醮。行道禮懺。上章救拔先

靈。咸得超度。正月一日。天臘之

日。五帝神仙。集於青天安寶華林。  
。青龍闕中。校定世人罪福之籍。  
。五月五日。地臘之日。五帝神仙。  
。集於丹天梵寶昌陽。丹臺闕中。  
校定世人罪福之籍。七月七日。道  
德臘之日。五帝神仙。集於素天金  
門。素靈闕中。校定世人罪福之籍。  
。十月一日。民歲臘之日。五帝神  
仙。集於玄天洞陰。黑靈闕中。校

定世人罪福之籍。十二月遇臘。是  
王侯臘之日。五帝神仙。集於玄都  
玉京。元靈戊己金闕。元始八景殿  
中。校定世人罪福之籍。此日皆是  
天地合攢全之日。定吉凶生死簿籍  
。皆是生人。九祖父母。幽獄死鬼  
。此日爲酆都北帝。引出責問。久  
處陰司。年代積遠。累結釁端。由  
罪

及子孫。姓名墳墓所在。如積劫未  
有追贖。因此日延累生人。引問子  
孫。親姻九族姓名。爲生人罪狀。  
積釁幽艷。九族延滅。此日可爲亡  
故父母。上表謝罪。懺悔追拔。皆  
令亡人一一得知。常日祭祀不可得  
達。蓋爲艷都幽深。難爲通徹。沐  
賴真猷。皆得宿愆。解釋幽司。更  
不久滯。死魂久滯。則天曹責及幽



司。官吏亦責及生人。轉福爲禍。此  
災難自此而生。若有至孝男女。此  
日修奉齋醮。則黑籍除名。皆得超  
度。今日道場懺主。某等是故回向  
。下元水界。一切  
仙哲。皈依皈身。皈神皈命。  
大慈大悲。無上天尊。  
志心朝禮

離合自然天尊  
本在空洞天尊  
遍體虛空天尊  
攝跡歸本天尊  
十回度人天尊  
營衛神文天尊  
隨機開悟天尊  
斷除邪障天尊  
聖概無窮天尊  
開化玄宗天尊  
百寶聖嚴天尊  
廣啓神化天尊  
從此以上。禮念  
天尊聖號。乞懺某自從無始以來。  
至於今日。六親眷屬。存亡二世。

輪迴六道。因緣四生。捨身受身。  
不間不歇。優饒三業。恣縱六情。  
殺盜邪淫。貪嗔痴怒。惡口兩舌。  
綺言妄語。不信因緣。不行方便。  
辜天負地。犯戒破齋。倩僱外人。  
返謀師父。爲冤結咒。引鬼牽神。  
不念四生。豈思一息。種種爲報。  
念念成非。總在身中。無由雪釋。  
或墮地獄。或爲畜生。不值聖文。

何能超度。如斯積罪。無量無邊。  
今日虔誠。咸乞懺悔。次復回向。  
下元水界。一切  
仙哲。皈依皈身。皈神皈命。  
大慈大悲。無上天尊。

志心朝禮

玉寶皇上天尊  
玄真萬福天尊  
太妙至極天尊  
玄上玉宸天尊  
度仙上聖天尊  
好生度命天尊

太靈虛皇天尊 無量太華天尊

玉虛明皇天尊 眞皇洞神天尊

大慈大悲救苦眞人

大慈大悲大惠眞人

從此以上。禮念

天尊聖號。乞懺某身中種種罪業。

伏乞三境慈尊。十方至聖。三官大

帝。五老高眞。百二十曹。七十二

府。四司五帝。四海九江。十二河

源。一切仙哲。普開救度。大設慈  
悲。垂大法雲。施大法雨。消除熱  
惱。洗滌愆非。頓爾清涼。了然雲  
淨。現存獲福。已往超昇。國安民  
豐。欣樂太平。功德滿就。與道合  
真。生生逢道。世世聞經。一切有  
情。咸躋大道。某等稽首皈依。  
無上虛皇。至真三寶。

三元滅罪水懺下卷終

向來回向  
念朝禮水懺功德。並已周圓。

恭望

聖慈。俯垂洞鑒。伏願罪業消除。  
災衰洗蕩。福壽資命。善果臻身。  
三業六根之過咎。並冀赦原。九玄  
七祖之先靈。祈超仙界。爲上因緣  
。志心稱念。  
三元赦罪天尊。不可思議功德。

圓滿讚

禮懺功德 不可思議 諸天諸地衆



神祇 皇王 壽夭 齊大 道慈 悲萬

化樂 雍熙 朝禮

增福 壽夭 天尊 大天尊 (三稱)

琳瑯 讚

琳瑯 振響 十方 肅清 河海 靜默

山岳 含煙 萬靈 鎮伏 招集 群仙

天氣 氛穢 地無 妖塵 冥慧 洞清

大量 玄玄

三元 讚

雲台山上放大光明

都會三元遍十方 玄中大法王

利益無彊 懇禱祝遐昌

上元賜福

中元赦罪 天尊大天尊

下元解厄

三元讚

天官錫福在 人間 地官赦罪在中元

水官解厄消災障 一年四季保平安

酌水獻花滿瑤壇  
五色祥雲臨凡世  
卷卷句句清災障  
惟願南宸增福壽  
供養天地水三官  
九炁淪風降人間  
字字行行滅罪愆  
叩祈北斗賜長年

敬刊

太上三元寶懺 三元滅罪水懺 正陽仁風寶懺 樂助

印刷費善長芳名

林誠心叁仟捌佰元正 高美印叁仟元正 冼蔣蓮壹佰元 李華蓮壹佰元 李福蓮壹佰元

鄧緣超樂助貳仟元正 李煊修壹仟元正 何忠全壹佰元 楊初壹佰元 吳劍蓮壹佰元

有名氏壹仟伍佰元正 衛葭蓮壹仟元正 何權長壹佰元 馮國顯壹佰元 張迺修壹佰元

聯合水族公司壹仟元 劉現修伍佰元正 黎勝蓮壹佰元 徐効蓮壹佰元 蕭山仁壹佰元

梁奎霄及親屬伍佰貳拾元 謝醉霄伍佰元正 簡信修壹佰元 容楓念壹佰元 何世釗壹佰元

謝劍修貳佰伍拾元正 幸業鏗伍佰元正 余彩壹佰元 劉月娥壹佰元 麥鴻勳壹佰元

洪慰蓮貳佰伍拾元正 梁印蓮叁佰元正 唐灌修壹佰元 蕭省蓮壹佰元 李忝成壹佰元

楊永燦叁佰元 胡太初貳佰元 駱裕光貳佰元 李惠嬌壹佰元 吳彌修壹佰元 譚頓修壹佰元

孔憲聰貳佰元 李房興貳佰元 葉仁悟貳佰元 何圓蓮壹佰元 何可壹佰元 容玄明壹佰元

鄭令修貳佰元 蔡標蓮貳佰元 梁觀儀貳佰元 梁百樂壹佰元 何永強壹佰元 梁侃修壹佰元

陳慧本貳佰元 蔡省蓮貳佰元 何玄槎貳佰元 何希修林素蓮壹佰元 何永強壹佰元 梁周智妙梁瑞霞黃女士壹佰元

楊晋培貳佰元 鄭芷建貳佰元 陳照醫師貳佰元 余義修黎源昌壹佰元 林青蓮張福興壹佰元

寬和素食店貳佰元正 霍仿修張志剛貳佰元 謝鏞何游壹佰元 梁偉雄梁奉祖壹佰元

謝蕙英謝立貳佰元正 陳蔡黃玉珍貳佰元 謝曾惠研馮慶錦林麗羣壹佰元 林麗瑚羅世雄羅世權壹佰元

謝潤棠余有好貳佰元 楊烟海呂志強貳佰元 何美欣徐耀威徐宇謙壹佰元 盧盧錦炎盧嘉敏煒琳壹佰元

駱俊賓無名氏貳佰元 林驥蓮劉來仙貳佰元 李俏蓮胡僊蓮陸拾元 陳家永陳家豪陳瑞意玖拾元

李慧和陳寶媛貳佰元 梁淑琴姜國海貳佰元 陳志明陳思明玖拾元 何景星何錫輝陸拾元

梅苑乾壇合捐貳佰元 梁仁靈江宿修貳佰元 何錦輝何美潔陸拾元 江德良林毓玲陸拾元

馬章英鍾欽明貳佰元 盧若明胡江貳佰元 林傑玲林琨玲陸拾元 林焯玲林嘉偉陸拾元

馬步蓮陳美琴貳佰元 何智清陳雪英貳佰元 梁信蓮陸拾元 鄭春烈伍拾元 沈聖蓮伍拾元

梁祐蓮李 大貳佰元 李功蓮李剛蓮貳佰元 陳盧妹伍拾元 劉玉婷伍拾元 陸燕修伍拾元

李獎修李國明貳佰元 陳文柱黃尚誠貳佰元 林勝修伍拾元 黃仁徹伍拾元 李楓表伍拾元

冼少英壹佰元 方幌修壹佰元 池乃勳壹佰元 郭仁通伍拾元 林麗華伍拾元 陳楓儀伍拾元

譚楓栢伍拾元 何楓竹伍拾元 楊仁孝伍拾元 何湛峯壹佰元 何俊賢壹佰元 何美儀壹佰元

何仁覺伍拾元 楊楓心伍拾元 譚仁寶伍拾元 何贊宗壹佰元 張漢之壹佰元 旭照有限公司壹佰元

黃誠德伍拾元 李萬明肆拾元 李萬光肆拾元 王英傑壹佰元 王盧坤儀壹佰元 王潔瑩壹佰元

李華敏肆拾元 李淑貞肆拾元 李長好肆拾元 曾鈺馨壹佰元 吳潤顏壹佰元 劉順適壹佰元

楊潔德叁拾元 李務蓮叁拾元 梁錦倫叁拾元 趙不動壹佰元 魏洪生壹佰元 湛藻壹佰元

區杏粧叁拾元 趙展修叁拾元 麥顏寬叁拾元 老蕃蓮壹佰元 梁佳蓮壹佰元 黃兆蓮壹佰元

楊美梅叁拾元 陳秋叁拾元 程其光壹佰元 曹任文壹佰元 李達泉壹佰元 冼高壹佰元

蕭永泉蕭永昌肆拾元 蕭永祥蕭永蓮肆拾元 吳銳安壹佰元 吳堅壹佰元

梁邇蓮莫子濤肆拾元 盧啓泰黃敏慈肆拾元 崔顯輝壹佰元 梁勤壹佰元 梁家聲壹佰元

黃煜健黃灝肆拾元 林志純壹佰元 黎玄贊壹佰元 吳敬真壹佰元

(以上梁新經手募捐合共貳萬玖仟陸佰陸拾元正) 黃秀德壹佰元 陳秀蔭壹佰元 梁信維壹佰元

吳耀東壹仟元 葉綿修伍佰元 尹啓釗伍佰元 李玄圓壹佰元 崔玄芬壹佰元 蕭筠蓮壹佰元

何清泉叁佰元 戴銘修叁佰元 麥添叁佰元 趙耀壹佰元 林勝修壹佰元 楊壁生捌拾元

盧萃生叁佰元 盧忠興叁佰元 盧忠良叁佰元 (以上何清泉經手募捐合共壹萬壹仟叁佰捌拾元)

盧忠傑叁佰元 盧忠耀叁佰元 盧劉桂珍叁佰元 唐敏瑩貳佰元 勞兆棠壹佰元 凌十正壹佰元  
 羅紫彥貳佰伍拾元正 劉秀菱貳佰伍拾元正 關燕開壹佰元 龔逸棨壹佰元 陳四妹壹佰元  
 慶雲古洞捐貳佰元正 紐約天后宮貳佰元正 葉慈雲伍拾元 郭桂芳伍拾元 黃覺明伍拾元  
 李添成貳佰元 陳 欽壹佰元 蔡標蓮貳佰元 謝秀馨伍拾元 呂維亨伍拾元 黎錦華伍拾元  
 程溢泉貳佰元 崔 湛壹佰元 朱潤海壹佰元 譚玉燕伍拾元 吳衛蘋伍拾元 陳婉如伍拾元  
 趙荷衣壹佰元 陳大口壹佰元 譚榮輝壹佰元 潘仁悌叁拾元 陳靜軒叁拾元 何笑貞叁拾元  
 陸文德壹佰元 李 威壹佰元 鍾 坤壹佰元 馮景潤叁拾元 黃彩琮叁拾元  
 甘 南壹佰元 梁 鵬壹佰元 陳燕君壹佰元 (以上勞兆棠經手募捐合共港幣壹仟叁佰元正)  
 總計以上募捐善款港幣四萬貳仟叁佰貳拾元正。除支崔顯記承印讖本三種合共印刷費貳萬元正。  
 尚餘之數撥作重刊玉皇寶懺之用。

送經處：(一) 香港大道西335 | 339號廿二樓雲泉仙館有限公司

電話：五四七二五六九 五四零九九七七

道曆四六八七年歲次庚午孟夏 香港雲泉仙館藏版 (二) 新界粉嶺坪輦路大埔田村 雲泉仙館道教圖書室  
**歡迎翻印 功德無量 流通傳誦 福有攸歸** 電話：六七四二一九四 六七九四五一二八